

四庫全書

集部

欽定四庫全書

御製詩三集卷十

古今體一百二首

辛巳二

新正萬壽山

燈筵待啟政幾閒行樂新正萬壽山綵綴九微曾未試

殿閣雖懸華燈然偶來巡幸卓
午而返曾未一張燈宴賞也

畫開一幀已堪攀景欣

孚甲含胎際春在人心物性間匝匝西峯屏是玉祥占

汜勝為怡顏

玉瀾堂即景

書堂枕昆明常時俯汗漫春寒雪後凝湖水未盡泮凝
者光磨鏡泮者文漪練流動與堅白互妙本合撰叶是
謂露體全詎云得景半

惠山園

壽山東障枕長渠既窈而深清復舒問景偏欣優雪後
行韶恰合載陽初軒收孫氏琳琅笥

墨妙軒在園內

園寓秦家

水竹居又為民艱罷巡蹕

以高竇數属被水暫停今春南巡

九龍春色

且姑徐

清可軒題壁

山陰適可尋積雪層峯在清憩倚巖軒結構饒仙態夏
涼冬則溫芝英育沆瀣來屢得如荆觀澄殊所會泐壁
句斯多慙愧綺言戒

高克恭仿米雲山

以意求非以形貌雲山煙樹指分明是真悟得拈花旨
不向如來行處行

交趾果然

寓屬生交趾自呼名果然歡同難還共小後大居前柳
異王孫惡郭齊君子賢不因皮適褥林處命寧捐

拔達山汗素爾坦沙貢刀歌

獻馘早已嘉摠誠薄來厚往遣使行感恩致貢器用呈
佩刀一握偃月形兩馬先之白與青邊臣代進達帝京
出鞘麗水躍如星昆吾割玉古所稱銛鋒鑄出浪人精
寶鈿金錯太麗生皮室草帶堅且輕無所用也方銷兵

付弃武庫徵來庭

題巨然溪山林藪

山自堂堂水自瀾村墟綴景不須為譬如文到昌黎筆
那藉纖奇藻續施

上元前夕曲宴宗藩即席得句

碧落冰蟾欲滿輪九經要義曰親親奉時綺席歌行葦
戴澤華樓看積銀先兆謬須稱大有後庭適可叙家人
皇清億萬斯年業永篤

天禧睦懿倫

詠黃玉璧

伯雍種太寧子產薦圓靈色自如蒸栗精惟化填星剛
柔叶中德溫潤永千齡鄙矣趙卿問懷哉鮑氏銘

上元夕恭侍

皇太后觀燈

十五蓂開玉魄圓稱觴

介祉綺燈筵共歡此夕非常夕

恒健高年大慶年
翠火結成萬壽字
銀花圖出九如篇
合天下養人同願
無量應知

福履綿

董祥蘭竹

珊瑚鞭是硃勾竹
瓊玖佩為翠纈蘭
湯道偶開生面耳
不離不即總澄觀

上元燈詞八首

今年初度玉輪團
傍晚偏欣定紫瀾
已盛悉新於底見

重熙燈節此長安

西樓又值上元宵

王母樓頭佳慶饒
獻壽恰當

七袞始賀正猶萃九瀛朝

大宛回部各分班
深目于思總忤顏
列坐賜茶陳百戲

紅霞數抹暮西山

都盧倒刺奇難述
轉礫緣繩技畢覃
謗議侏離雜夷樂

列觀諸部取相諳

暮色蒼然合放燈一時樓閣朗千層
花開閨苑齊條鬯霞起赤城方蔚蒸

粲晏皇都度元夜沖凝韶令迓春祺
人和歲美斯真慶雲郁泉甘亦底為

星星一綫飛空迅燭燭千林著蕊均
已喜光明杯照世更看仁壽鏡宜人

侍

慈行慶與時行消息還籌虛若盈
古寺空寮春月入箇

燈常放大光明

上元後一日曲宴廷臣

例宴朝臣元夕後燈筵排日答韶年共欣高閣猶餘澤
可識明廷要尚賢
莫葉那真一已落桂輪纔欠秒來圓
土膏欲動省耕候相悅
招聲在徵絃

蟬蟬籠蟲先啟蟄
醅醅盆卉褰揚馨
武成上將皆陪座

去歲曲宴廷臣有尚繼長途振旅人之句今兆惠富德等皆預宴

遠靖何邦敢弗庭奚

取縱橫傳耗磨可聽俚俗事
摸釘同民樂更思民瘼俞

咈無非贊輯寧

觀回部繩伎聯句

有序

繩伎即古尋橦度索之遺而徵信者史闕有間國
家諸藩向化方伎畢臻若傑侏毘離大之可以數
典紀功精之可以省風體物所由來遠矣比因回
紇內屬花門抱器者胥隸樂府獻歲列部番覲燈
筵款侍乃命回人緣高楔跨脩絙前奏斯伎以愜
觀聽其始也戛戛孑孑無挾而造則近乎勇其繼

也于于徐徐出險而亨則近乎智其究也油油灑
灑奉身而退則又近乎仁盖一藝而三善具焉若
是昔昌黎石鼎聯詠重自標置謂吾詩云云不解
人間書矧我二三詞臣方當釐宮懸所必備補王
會所未圖而可孤勝事作恒語乎是用即目首倡
俾劉綸于敏中聯成五十韻以示誌西域者垂之

副墨

御製
筠冲今允服都盧昔所稱燈節陳長伎

撞戲超同朋首髡省纏髻脰露辭褰滕扱衽屬橐

鞬

臣劉綸

束體襍組繒連隊次樂部儲具供林丞差

排跂斯翼

臣于敏中

御製

控掣掾之陬雙撐千尺木直拽三丈繩如虹拖碧落

不棧懸丹峻窮巔互榻度拓勢么弦桓腔遲秋簞

哨

臣劉綸

拍急臘鼓鑿居然謝梯筏詎爾忘淵冰臨

厓送者返

臣于敏中

御製

拔宅仙乎登發地上累足凌空息撫膺奇矯忽百出

邪許時一磨布武失偏仄振臂誇倭倥鞠效秦贅

脰

臣劉綸

擔匪虞卿簪低胥宛舞女合掌俄枯僧跡

絕邯鄲學

臣于敏中

御製

意會病僂承履銅取滑細著屐寧憇兢屏營無二慮

堵柱惟兩肱絲曳蜓立顫角挂鈴睡曹竿頭詣成

進

臣劉綸

繫表神來騰迴旋轆轤軸盤辟浮圖層亭

亭詔閭闔

臣于敏中

御製

軒軒棲觚棱瞥下儼跨馬虛躍似翻鷹安其危永吉

動亦定乃凝叱陋九折坂抽嫺三釋捫佛跏妥帖

結

臣劉綸

禹步蹒跚仍綳殊孩兒倒牽詫傀儡興爪

攫鸚在架

臣于敏中

御製

尾掉魚離罾目正徑無險心卑高可乘木雞差足擬

磨蟻猶難勝初虞引髮重轉喜紫卵增達中或重

繭

臣劉綸

棘端孰鋪毳磬折筍虞系蓬轉飈車凌奄

馳籥雲驥

臣于敏中

御製

將徒培風鵬諷元徒傳藻賦張真究升踟躕有餘暇

予鮮後懲情移禦寇善力靡偃師憎却行退宋

鷁

臣劉綸

縮守黏曹蠅進止自栩栩視聽交藹藹拔

河關謗騁

臣于敏中

御製

胃索走妄譟旁觀駭汗致孤翹壯心憑教孫孫遜捷

憐夔夔敢矜方外遊殆庶域中見何曾巧習履而

泰

臣劉綸

道藝貞以恒眴哂石火幟機鄙扶風絙文

閭新誌備

臣于敏中

御製

幻人前事徵列覩俾愜衆論賞聊勸能行慶輯戎索

熙春和氣烝

曹知白溪山平遠

白水蒼山峙且流人惟蘊藉筆清道畫宗誰辨師馮覲
詩意偏欣寫陸游

燕九日作

排日元宵節物憑條臨燕九隙駒仍水光已泮綠頭鴨
樓影猶懸藍尾燈也覺動餘歸靜好因知鬧不及閒恒
荒唐那問神仙事二典三謨信可徵

大學士史貽直八十壽辰詩以賜之

皤皤黃閣領朝裾，嬰鑠聯行尚弼予。

大學士未保今年八十一歲

前

度庚辰淡墨榜，兩看辛巳幹金書。滿千卷似沈

麟士

抄罷

開八秩過，白注餘聲望。老成需贊治，名高湯即擬懸車。

郭畀雲海圖

京口茅堂住幾年，煙雲供養領江天。淋漓戲寫網緼狀，
不許黃山景占全。

摘梅成詠

溫室綻盆梅載陽宅昭蘓得地復乘氣語云栽者扶蓓
蕾纈嫩條累累如貫珠中人喜其顆那肯輕修除葩放
薦無神胎含礙難舒大半黏枝間鬱鬱惟待枯是謂傷
太盛盈虛理非誣況與不盛同酌治寧可無乘閒為採
摘愛較姑息殊堆盤發芬馨在樹迴芳腴一舉而兩得
孰云匪清娛

題橫雲堂

穿池出餘土為山凡幾簣事半得倍功軒堂因迴置雖

無九仞高頗有橫雲致西峯近在望暎帶嵐靄氣既愜
昭曠觀兼饒窈窕意八伯彼休進膚寸吾恒思崇朝為
春霖利農斯上瑞

石帆室

峯如倒插室如浮便擬稱帆恰當不憶似田盤精舍裏
石林雲海泛虛舟

翼翠亭

園林無真山假山古即真是處頗峭舊老松況作鱗一

笠樓其上翼然俯嶙峋翠雨落天花不藉天女紛意在
山水間罽緬歐陽文

趙孟頫墨蘭

幽蘭野荆伍那礙王香展道人豈浪為寓意固不淺

新春萬壽山

節過燕九早收燈取暇名山悅可憑仰察峯頭無積雪
俯觀池面有消水柳絲桃朶雖差未煙意波容已絕勝
便使韶光一齊發對時攜藻我猶能

構虛軒有會

山陽凍解山陰凍位置陰陽天地心寒暑相催又成歲
去來無定孰而今為軒因迴楚望愜得句構虛義象吟
變動不居真視此丁將軍注底須尋

延綠室

對山書室稱延綠常向層峯芒幌開今日湯嫌螺黛淺
韶光袞袞會須來

昆明湖泛舟

載陽冰泮水生波桂棹沿尋景若何
鳬雁翱翔多樂意
不施矰繳取頭鷺

初生春水綠如油隄柳含風意已柔
耕織圖邇過畫舫
一年民務厯從頭

優霑臘雪春泉旺潄蓄昆明資灌田
農畷林丞今見慣
更無浮議倡如前

欲下鷗鳬意尚猜半湖水結半湖冰
開六橋畔已煙光好
便擬鳴榔一溯洄

題沈周臨王蒙松陰高士圖即用其韻

松下科頭清且閒
蕭然舉眼見蒼山
石田頗習青蓮法
可向楞嚴辨八還

題玉鏤小屏

盈寸玉為屏
玉人偃若生
指顧溪橋畔
江山不盡情

抒藻軒

薈芳書院裏
書室饜飫優游皆合宜
水態山容伴靜憩
禮園義圃引清思
即看韶景成章處
可識天工抒藻時

緋几閒吟那更藉象陳无妄是吾師

湛碧軒

初生水色綠於筠靜斂東風不作淪自是春光還改故
那能人意免歡新

澹懷堂

閑致動無已澹斯靜有餘雖云互消息可以悟忙徐帶
水惟澄澈襟林既朗虛寧教俗慮染似與善人居彥輔
韻如彼孔明語起予明茲冲漠志籌治企還初

韻泉書屋

疊石引平流書齋築上頭布茵剛十笏隱几似三秋不
約宮商調堪觀起滅漚底湏谷簾側方合著詩留

題陸廣山水

曲折江村儘可居山蒼如亦水澄如幽人罷釣挈舟返
彈鋏寧湏嘆乏魚

紫碧山房題句

山房卜築已多年雲構恒瞻

聖藻懸卓爾仰懷

仁者樂佳哉常契畫中禪趙家粉本饒仙趣陶氏清辭
無俗緣最愛夕陽西下際鶴林高致會當前

含清閣

石洞出窻窳水閣俯空澄雲漿餐沆瀣風物披華清會
心豈必遠咫尺期蓬瀛羨門如可友吾弗藉文成

納翠軒得句

十笏不為仄諸峯無盡奇窓稜惟秀色畫格是神姿

蒯夫何有鬱蔥常若斯設將擬芥子納千百湏彌

題豐樂軒

文軒額取郭橐傳學圃因之亦課田欲阜吾民無別術
虔恭一意為祈年

石帆室

寧湏五兩始飄揚容裔摩空幾幅張詎必賦吳將志越
已看引漢更牽湘驚濤駭浪曾何有抹月批風是所常
無恙迴懸雲海濶祇疑牛渚泛仙航

黃公望山水

山峙水流化機觸目成吟妙旨設非畫中有詩何以率
然能爾

新春玉泉山即事

排日燈宵慶賞闌水源新歲暇來觀故知駒影曾無住
却喜韶光已露端魚陟蟲蛭化機肖泉流山峙太清寬
對時育物惟吾責敢恣嬉遊忽治安

華滋館即景

艤棹步芸齋琴書總暢懷詩題宿年詠畫景稚春皆不
變蒼松色初生綠草芽華滋雖少遲去聲蘊釀已堪佳

竹鑪山房品茶

春泉近汲山房小試鑪安甌香火候猶須文武邦權寧
外弛張

登玉峯定光塔

浮玉規模矗七層新春拾級望春登含煙柳已輕黃染
消雪山將嫩綠凝視遠明惟暢心目為高因必在邱陵

子輿真是能言者政法先王益戒兢

妙高室得句

丈室堵波側揣稱額妙高臺如浮玉上峯似比丘遨縱
目契真宰因心得靜陶名言憶陸賈籌治敢辭勞

盛懋溪山窈窕圖

雲棧盤紆石澗潺旅人驢背問津關竹樓却有幽居者
窈窕溪山鎮日間

倚虹堂作

經筵祈

社例還宮路右傳餐憩倚虹修飾預茲供

大慶

升恒無不效來同初生河水今年盛便望春膏四野通
屢歲辟題抒興別那殊一意祝綏豐

正月晦日瀛臺即日

燈夕林園慶賚成明禋典學要躬行駕言用返中宸禁
路便聊遊西苑瀛消雪樹根白餘潤向陽苔色綠生榮

景龍往事無須述風物含韶獨暢情

鏡清齋作

水蓋鏡之靜照物每呈象叶水蓋鏡之動既照還滌盪
是時春水生容裔澄而朗可因悟代謝無不欣俯仰書
齋展易讀動靜茲交養

積水潭滙通祠

渚蓄長流濟大通

通路轉潛藉玉泉引流滙濟是潭在都城西北隅入皇城為太液池東南

出經大通橋為運河以歲久淤墊命重加挑濬並葺新舊祠名曰滙通

澄潭積水映遙空

為闕溯澗應垂制

河流分牖灌輸紆餘渚蓄前人經理實善旗民夾岸而居人煙輻輳因築

牆為之限制以禁汙穢

因葺崇祠喜畢工海寺月橋率難考燈船

歌館湯教同

是潭為前明遊讌之所見日下舊聞

紀吟權當留碑記殷鑒

恒深惕若衷

仲春經筵

和凝風日仲春初廣殿文華敞碧疏經解傳詮闡要道

衣寬帶博戒虛車人倫物理行仁義異養震為濟疾徐

是日書義舜明於庶物四句經義益動而興二句

詎曰年年遵典故化民成俗

目蒿予

微雨

二月初四日

微雨入黃昏
油雲低復屯
當春滋地氣
為澤即

天恩砌下土
香發堂坳水
意存言泉那
可闕真是滌
心源

文伯仁聽雨樓圖

樹色陰沉水漲溝
高人息偃在書樓
雨為時也抑為潦
聽者欣乎或者愁
遮莫閒庭空立鶴
依稀遠浦有歸舟

金史四
卷十
便教雲脚全收去點滴簷簷卒未休

西直門外作

右社修禊返御林詢安

膝下展顙心纔經數日春光好更喜一天朝霽沈浥露
麥針齊貫玉屑煙柳線軟搖金土膏今歲真濡潤舉趾
乘時慰實深

山桃花

數日宮庭有事居御園春色已怡如山桃似妬江梅早

吐蕊彈苞二月初

臘雪春膏信美哉
巖凹水際一時開
東皇頭踏綏山是
那藉催花御史來

恭奉

皇太后謁

泰陵因至五臺瞻禮卜吉起程得詩八韻

有序

葱嶺風清羣品咸占己盛

萱庭日永大年適會辛穰于時春露緬

丹邱啟吉行之五十晨暉依紺宇綿

長紀乎億千傍

輦青回仲月釐年並茁前旌翠重上旬霽霽初收城南

碣表雙趺庶以酬庸承

祖德路右峯開一幘更因增奠祝

慈釐信是神臬式展芳辰之蠲滌無非佛國言皈寶界
之清涼既典協於觀民亦

恩推於給復行見迎門香案篆碧家家無聞擁路花帘

謄黃處處

啟蹕仲春天謁

陵

懿旨宣未行週十載先

叩合今年

辛未奉謁

聖母六旬大慶亦恭
陵退今又歷十年矣

豈不勞

躬慮由來養

志先順程佛域禮藉祝

睿齡綿是日

金根奉沿途雲館便渾河方漣漣宿麥已芊芊申命驅
馳禁茲為餅餌緣省耕吾要務施惠例依前

過盧溝橋

今年凌汎無積冰潛融默化渾流平司事額手慶佳瑞
斯偶然也何足稱橋上無修防亦不見遷徙橋下慎修
防自茲多事矣卅年下口已四更無已救弊疏其尾云
斯可以延卅年三十年後將誰諉嗚呼神禹已去幾千
載補苴罅漏而已耳

良鄉行宮晚坐

昨日風吹雲不散今朝風息雲仍生
土膏脉動春燠沐沿途鋪翠來年
萌雨斯益善否亦可望蜀未免人
常情
樸宇瀟灑宜靜憩甌香研淨窓復
明往來歲久題句徧
不殊一念籌農耕

見新耕者

臘雪優霑土脉滋
欣看舉趾不違時
春生夏長秋收穫
厓慮方長今始之

勒轡因成駐馬觀省耕底藉有司官祝

釐排當無須亟

地方大吏以今年值慶擬於展謁禮成備燈火供

聖母七旬大

懿賞以節過上寺宇誦經祝

元諭止其或就壽者仍聽之

見此真教博

懿歡

趁潤郊原力作齊上農夫實可憐兮英英雲已西峯暮
為顓時膏足一犁

秋麥蔥蔥翠色均春郊播穀出耕人無非衣食根源計
蹂躪嚴防申命頻

直隸總督方觀承奏報易州諸處得雨

細雨前朝勢欠酣却看雲氣重西南果然扶寸霑諸處
且待芳郊驗六驂應是

鼎湖數澤愜至今擊壤憶

恩覃為君難永膺

先訓上理未臻用怵慙

半壁店口號

一水彎環野店前揣稱亦自有由然公孫曾論臧三耳

半壁原來不礙全

曉行

夜報天晴曉復陰
輕輿熟路不須尋
晨涼左近知霑澤
慰望難為此際心

車載駝馱沿路見
前途趨早各爭為
設加督課翻居後
可使由之意若斯

秋瀾村晚坐

常歲越此宿為近
一日程今年奉

慈輦按頃弗遠行恐防

起居勞晨征卓午傳兀坐渺予望後日方謁

陵

過易州

趙燕易土幾人知州志真訛各半之尚說飛狐為外險
覃然今日更防誰

沃野分流易水三灌田葺屋學江南農斯勤矣桑猶未
何不長官教育蠶

頽垣敗壘動經過
撫蹟流傳大半訛
漢晉猶差劇戰國
爾時黎庶奈生何

前朝報雨介然疑
今日憑輿歷閱之
路不生塵麥隴潤
欣然有喜萬民知

永慕齋疊舊作韻

行齋比歲一來居
稍慰予心更怒予
猶覺嶺雲遮浩浩
那能莊夢穩蘧蘧
越覆此日敬勤實
恐致

當年付託虛厄魯
于閭都扈蹕幸蒙

恩庇總消除

黃金臺再用沈德潛韻

燕昭市駿骨四處紀金臺

都城定興安肅易州皆載有金臺而李善引上谷圖經云

臺在易水東南則易州似為可據

定論曾誰是真賢可致來無過策士

聚安得治功開欲笑先生郭徒稱韓給才

恭謁

泰陵感成長句

秋霜春露又週旋一酌

金定四庫全書
卷十
隆恩一愴然預叩

七旬愛

任日未盈

六袞痛

堯年承平蒙業惟休養遺大投艱益惕乾詎此久延終
復去心焉回睠

白雲邊

謁

陵禮畢載啟西巡瞻彼臺山祝茲

介祉後作祇言慶典前途況值甘膏

巡鑾載啟指清涼

七袞方開慶典彰

聖母自然無量壽文殊已放大祥光試看灑道甘膏霈

可卜如山

寶算長下隰高原同力作

天恩誠感益誠霑

欽定四庫全書

御製詩三集

卷十

二十五

雨

二月十四日

春雲時散復時凝
詰旦霏微勢漸增
扶寸已霑又蒙澤
為茲兆庶喜難勝

飛章京尹報京都屬縣時膏或有無

是日府尹熊學鵬等奏到初九日先

經得雨州縣有涿薊香河諸屬今彌望同雲甚偏京師內外諒邈均被也

東望雲容今較重

可能普被屋懷吾

清晨啟蹕卓午駐密灑徐飛看沿路扶犁叱犢聲似疾
却是好音知喜處

流愷敷和春仲時苗芄長畝卉榮枝人之心一小天地
那不油然意蕊滋

易州四賢祠

市駿延來四俊臣勝東齊尚懼西秦獨留報惠王書耳
古道依稀在此人

降旨免經過州縣賦稅詩以誌事

歲歲秋獮狩北縣經來往賦率免十三山例宜循倣西
巡越十載祝

欽定四庫全書

御製詩三集

卷十

二十六

釐匪遊賞吾民待澤久可不副所仰北直及西晉一視
無偏向叶除道雖給值於恩合推廣如前免正供惠務
周鄉黨被災者更艱是吾闕恫痒弗以茲例概加恤待
詳訪叶

駐蹕行營

蹕啟西巡路頓臨南嚮營幔城遵舊制帳殿適移行多
在春秋序常聯中外情如云事安逸豈似禁林清

荆軻城雜詠

披薄風煙見故城依然山峻復泉清燕顛秦蹟千年後
剩得虛名說慶卿

持短入長膚不撓怯於小侮始人豪目之蓋聶叱句踐
祇合無言嘿以逃

狗屠與友友田光壯士所為曷有常襍席一朝論神勇
夏扶宋意總非強

上舍居之號上卿進肝斷手太非情可能刼得秦王未
行水禍由自速成

曉煙

曉煙欲泮復重凝
歷覽憑輿實絕勝
連隴麥花綠新濯
依山雲蒼白徐升
輕塵不上鳴鳶旆
過雨齊看叱犢塍
潤溽雅如江國景
軒飛逸興到金陵

長城

易水東流此屈經
巍然榛阜尚城形
古稱燕趙分疆處
割據當時太不寧

野流

野流自西來沙汀涵白芷嚮道稱沙河蓋據所見耳過
橋問村民右云實易水左云號軍營何代此築壘一溪
凡三名至竟誰真是驟然會馬上千古率如此



御製詩三集卷十

欽定四庫全書

集部

御製詩三集卷十二

詳校官侍郎臣謝墉

助教_臣常循覆勘

總校官原任中允臣王燕緒

校對官中書_臣蔣寬

謄錄監生_臣劉廷勲

欽定四庫全書

御製詩三集卷十一

古今體一百二十一首

辛巳三

命直隸總督方觀承疏濬安國河詩以紀事

州北白楊嶺是為濡水源又名安國河迺縣志所傳舊
曾引其流直與北易連旁可資灌溉潤濟萬頃田歲久
溝堰廢入沙滲以乾惜哉自然利乃致虛棄捐大吏重
農務備悉騰章言凡事在人為是宜急勉旃堰以遏泛

濫溝以䟽行川帑項非所靳艱食謀民天行看畎澮通
萬姓歌逢年

花朝

御苑山桃發早知春事歸陌花雖覺未節物豈相違
不掛紅樹犁爭出綠畿經行多樂意詎為賞芳菲

賜直隸總督方觀承及屬吏宴

蹕路日勤劬良辰賜燕娛

是日花朝

底須稱負弩適可飫中

厨膏雨欣霑野油雲更覆衢省耕正茲候莫祗効前驅

題文嘉梅花小幅疊舊作韻

常舒常韻復常香者箇梅真白玉堂迴望盆叢還致笑
可曾一例引蜂黃

適見山桃也自姿却饒火氣與塵肌展看始覺真花在
黃鶴樓中任笛吹

隨行北塞與南江風滿檀庭月滿窓詎為目謀清賞足
十分生意養於腔

拂廬虛牖向南開正好三清試茗杯忽見一枝疎影動

訝如巡蹕到吳來

日日

日日迎鑾民衮衮加於前較之近畿路不啻倍蓰焉此
理亦易知彼乃常經便十歲茲一過固當覲光駢習故
視如常驚新喜必然粥爾惕為政或懈於初年

趙簡子祠

廣樂鈞天語太奇常山藏寶蓄深思祇伊諤諤懷周舍
却合千秋尸祝之

題北平侯廟

直道民行三代斯北平主計至今祠賈生見紬公孫退
却忘王陵解難時

曉行即景

連日春陰不放晴伊祁蒼蔚又雲生麥塍廿里翠如洗
大似丹徒道上行

青蒲白芷一溪斜村外盈盈見杏花韶令較於走馬疾
可憐春邨更須賒

村民瞻就遍郊垌每聞春耕轡為停去歲逢收衣食足
幸無鵲面與鳩形

春山雲出意為遲雲隱山容望復疑一晌停鞭生妙解
畫家活法蓋如斯

過堯城村

祁山隆隆祁水源輕輿重過堯城村三王猶未敢五帝
十六字却恒思存村民鞠脰路旁踰叶朝饗夕殮詢次
第尚以堯心為己心越教禹愧增吾愧

杏

隴首初看一樹榮似梅所欠十分清
神仙還得神仙骨
那見凡儕到玉京

唐縣懷古

萬年祠宇溯初封並祀光華協帝重
風雨晦明神近接
危微精一法開宗望山南北傳徒舛
滙水東西辨底庸
魏蕩仰欽太古象三王五霸渺春冬

十歲

十歲纔成童二十已生子五十半百人六十斯老矣十
年一來巡見者即如此其間堂堂過所得究何是誰云
如白駒甚於白駒駛

曲逆故城

閼氏奇計出平城薄陋由來有定評却得酬勲因解難
壯哉曲逆賜陳平

王呂詭隨羽翼增仍騰巧語勝王陵娥姁已死軍左袒
待此安劉孰不能

聞京師得雨誌喜

驛路傳佳信京畿雨亦霑雖云澤扶寸正接氣蘇潛新
種潤孚甲宿苗長助尖春雲復興矣再霑定何嫌

雨 二月十
七日

邇日春雲每作陰延晷冀再霑甘霖已佳廼更不知足
自解無非望歲心

過午駐蹕雲勢濃始以霏微漸春容隨風入夕潛潤物
明朝霑否詢良農

金定四庫全書
卷一百一十五
帳殿淋淋聽枕邊挈壺屢問那成眠年來蓋不多逢此
自顧何修勵惕然

疎密通宵無間作氤氲傍曉乃徐停土香氣潤遲行馬
麥坂迎眸更濯青

靈濟祠疊舊作韻

驟別唐河水疏通廣利渠惟勤溝澮計庶獲井閭舒作
又民其莫稱功我豈居祠旁精室潔清憩駐鑾餘

廣利渠

高氏疏源遠

乙丑允督臣高斌奏疏濬是渠發源山西靈邱下達淀泊資灌溉者千里而遙為利

實廣工成因錫是名

中山敷澤均不辭費國帑所冀利農民數縣

資澆溉一渠繞隰畛經營知本務尚爾憶前人

題愜適齋

靈濟崇祠廣利

渠名

濱祠旁精舍樸而淳重來了識還依

舊小憩偏欣迴出塵山勢自成前障畫杏花原是昔塗

春與題七字片時去不負十年一度巡

秀木軒作

前後三間屋一區兩得名愛茲饒秀木真覺稱幽情古
壁昔年句春禽今日聲犁然原不隔小坐又成行

河南巡撫吳達善奏報得雨

從來豫省麥為秋臘雪嫌微早塵愁優被春耕無不悞
擘書欣展兩眉頭

命董邦達圖葛洪山因題句

若澄粉本忘攜來

庚午西巡曾命
張若澄圖此山

馬上看山實壯哉過

未現三齊置却會心生面試重開

稚川仙跡本無定志乘何須辨假真却笑箇中誇老手
翻成居上後來人

村行

村行問農夫一稱雨四指少行更問一曰潤三寸耳徹
夜疎復密廉纖實未止曉來登長途已作泥濘矣少言
足五寸農言胡乃爾莫知苗之碩諺語洵至理

復雨

豈有春霖似夏霖達晨少間復濃陰溟濛千嶂縈絲落

曲折一溪漲玉深那更農夫怨未渥何辭僕役冒頻淋
既霑既足叨

天貺益感益欣勗益欽

山東巡撫阿爾泰奏報得雨

同時三省均霑澤

初九日之雨直隸河南山東均被渥澤今陸續皆奏到

慶慰難

為此際情資始春耕及秋獲益深戒滿與持盈

題仇英水仙蠟梅小幅疊舊韻

小幅攜將秘笈中不疑色相未相融楚荆屈子長沙賈

恰稱龍門合傳同

玉質標來宜近水金相放處正衝寒
瓊廬試展香盈室
那藉尋常睡鴨蘭

各具風流正何礙相投氣味本來宜
却如巡到西湖上
水渚山凹屢見之

墨林曾見畫圖親此作偏宜贈此人
題罷偶懷賡韻者

庚午命和韻跋左右方者汪由敦劉綸二人而由敦物故今已閱四載矣
當前如幻悟根塵

降旨免宣化府屬民欠詩以誌事

經過數州縣去歲均有秋賦已免十三無可施恩優或偶
被災者鑾輅所弗由未免懷向隅亦吾所厯憂因命彼方
伯詳察有此不乃知上谷郡山田近邊郵氣寒霜降早以
此常歉收借穀及正賦頗致負欠留降旨酌豁除元氣與
養休官吏免叅罰黎庶追督求努力勤耕耘足爾衣食謀

雪

二月十九日

入山氣冷雨為雪著地消融原利農只有最高偏好看
皚皚玉積兩三峰

泛泛滇滇拂蹕旌杏林開處認梅坪道場知近文殊境
故散天花載道迎

雪與清涼有夙期丙寅庚午兩留詩西來迎蹕人傳說

鎮海寺前如昔時

前兩度至五臺一命張若靄圖鎮海寺雪景一命其弟若澄圖之

剪水鏤冰卒未休山田過冷恐傷牟三春竟有望晴事
患失無厭我尚猶

人情率筆

昨日問雨勢畧興稱大矣今日問雪勢稍徐早報止人

情鮮定論惟視吾所喜知此而不懼是誠愚者耳

寄題水竇巖

水竇由來竇浮休豈有休宋臣茲偶偈金帝昔曾遊
爾筌蹄會無過名字留寄題聊託興不必遠鳴騶

停蹕

吉行五十里僕役詎臻勞為是雨優極因之路濶遭不
妨停一蹕已覺喜羣曹擅屋脚清暇摘詞適靜陶

率言

吉行五十師三十於吉實可師不可日中必萁操刀割
師之策戒逍遙坐設如敵在六十里守不兼程敵颺果
盡信書乃不如無紙上談兵古實黜

命人視唐縣雨既霑足雪亦未積詩以誌慰

山中玉積列峯看腹裏遙虞氣變寒遣視雪無稱雨渥
欣然迴望頓心寬

三日春霖得鮮逢春容漸漬霈恩濃前朝怨未優霈者
爾更何辭不飭農

直隸總督方觀承奏報保陽一帶均霑膏澤既深
慶慰益戒滿盈

去歲春膏已孔嘉今春嘉較舊年加竟逢一尺霑高下
豈有三朝遍邇遐實覺德涼詎昭假獨蒙

恩厚敢矜誇耕無慮矣收方遠益勵持盈望戒奢

晴

一雨連三日當春乃盼晴既欣利田務兼不悞途行邇
有紅塵起惟看綠麥萌潏然滋濕潤山縣似江城

普佑寺

遙見屏山松蔚然祇園步入禮青蓮
禪房竭爾成清憩
瞥眼流陰閱十年

世尊頂相合虛空如是聊標丈六躬
莫以世間繩尺度
無邊竹杖度還窮

阜平縣

山城春靄低埤垧倚巖樓戶較前巡
庶農興此日齊弦
歌聞縱未禮義化應提百里知斯者
休輕擬割雞

錢汝誠錄西巡舊作小冊以進口號調之

汝誠此意我先知正是催詩非錄詩庚午數過丙寅倍
丙寅冊得詩八十七首庚午計得至一
百八十九首茲行亦不欲減其數也 倍斯何必可虛
其

水源

水源纔涓涓匯流成大川金人背有銘樞機應慎旃

仄徑

仄徑峯迴路轉流溪石絡林紆大似河陽郭氏關山行

旅之圖

京師奏報得雨誌喜

小霑稱慰優霑喜三日春霖望外濃受益惟謙滿招損
為茲怵惕勵寅恭

阜平道中作

雪後山峯羣積玉雨餘溪水亂鳴琴已霑那更生奢望
却見春雲又作陰

大派隆崇小派

二山名

連千溪縈繆匯成川棗林之下溝

渠引時有村民藉灌田

十年一度過巡驂撲素民風尚所諳
野老攜兒擎薤獻訝如任氏悟龐參

潤浥春煙冑柳絲寒山道景若為移
鳴鞭緩度犁雲嶺恰喜興犁正及時

題董邦達山水小幅

雨後春山

春山過雨濃濕翠蔚重重非關出想像
目擊寫真容

石壁飛泉

阜平水簾洞路遙未遊目石壁善爭長雨後都懸瀑

岸柳迴風

岸柳窈柔絲昨黃今綠披鼓盪伊誰力封家十八姨

雲嵐蕭寺

給園棲翠微僧去白雲歸借問誰殊勝一龕花雨霏

村舍朝煙

炊煙出野店彷彿粥香聞二鬴幸無缺觀民意為欣

秀嶺羣松

插壘復猷池春來翠色滋
昨過晉佑寺屏山見若斯

石屏疊翠

春煙斂秀峯濯濯玉芙蓉
阿那茅堂下畸人可或逢

關山霽雪

一谷喜新晴林端積素明
渲刷傳神韻不孤扈蹕行

招提寺

已近招提境先憩招提寺
春雲無定態巖松多古意
今

昔了不殊縈薄天花墜山僧罷言禪却占第一義

三箭山疊舊作韻

詰戎

懿訓夙聰聞親仰

神弧頷顧羣

聖蹟重茲溯三箭

天威久已伏諸軍依然路側瓊崖矗想像峯巔鶚羽分
此日繼繩惟已責瞠乎總覺望

如雲

益壽菴

平陵李苑據崔嵬跋馬聊停適可哉最喜菴名稱益壽
此行本為祝

釐來

龍泉關三依

皇祖元韻

當年燕晉界割據蹟成空來往一家內豫遊

昔日同嶺雲無改白隴杏欲舒紅正是省耕候民依咨
度中

雪中度長城嶺

三度五臺三度雪名山靈應真殊絕漣漣或或無定形
迴薄林巒噴玉屑入雲那見向來蹊馬踏冰花不作泥
盤盤磴道徐策騎已塵吏役勞劇治低飛亂灑皆入畫
衝煙越嶺真宜詩我無文殊平等智霑衣膝帽夫豈辭

射虎川

西來

聖蹟仰依前嶺谷重經射虎川榛薄胤如真不啻寺樓

麟檀尚居然

至今其虎尚檀置臺懷寺中

三驅弧矢罷平野

承平日久壑闕

率無隙地不似康熙初年此地尚有野獸可行圍也

萬戶耕桑遍大田稍可弗孤

前烈者秋圍一試示于闐

去秋木蘭行圍嘗一日射殪二虎時回部郡王霍集斯等

及哈薩克赴覲陪臣並扈從與觀

臺麓寺

山寺臺之麓襟溪復帶峯前三正如是不二即真宗春

色那藏杏禪心且付松長城嶺迴望嵐靄蔚重重

題靜寄齋

麓寺旁精舍三間無取寬清宵堪託宿風景不妨寒

圖省多人力欣茲容膝安

向幸五臺皆駐行營馱載過長城嶺為勝茲於寺旁精舍駐宿

一夕實省衆力因題曰靜寄齋

松巖皴積雪靜寄愜澄觀

白雲寺

春雲出谷如流十年一度來遊底識蜂臺殊勝今朝名

實無收

跋馬

跋馬臺山路綏綏雨雪濛濛凍凝雖未寧旭隱不為烘慮
恐寒過甚如云景宸工輕輿寧弗逸欲與衆人同

雪中過鎮海寺未入

巖寺從來雪景宜今朝如約畫情披

丙寅庚午兩度皆
遇雪並命侍臣圖

之何須更問石欄逕海印發光按指時

自長城嶺至臺懷再依

皇祖元韻

西巡第三度山川了不殊計里宿所悉底須問路衢長
城背指嶺臺懷面循途此是清涼境奚事警蹕呼梵僧
迎我來鐃鼓雜螺竽無耳亦無聲試叅誰為娛虛殿禮
古佛招提散步紆不悟慈悲源安知超度區庭栢翠而
靜山花妍且都將以祝

遐齡即是

萬壽圖可用罷南巡况因靈潦濡

今春將奉南巡以去秋高竇下

安輿

遊數

邑被水因傳諭暫停遊
懿旨詣臺山瞻禮祝延

愛民延禧本

慈訓申懿模至矣敢不遵欽哉奉三無

清涼山三依

皇祖元韻

歷歷前巡是舊蹤依然澗水與巖松未忘者箇擬乎地
且聽七條披以鐘一念祝

釐算期永萬幾繩

武韻賡重追從有願吾惟悵

聖度崇於叶斗峯

殊像寺

是像即非像文殊特地殊
毫端寶王刹鏡裏焰光殊
法雨滄桑潤梵雲朝暮圖
高山仰止近屏氣步霄衢

五臺山天花詩再依

皇祖元韻

延齡仙茵劒崖青仇十洲
曾圖作屏堦埴前身定何物
一株古栢是青寧

靈鷲峯文殊寺再依

皇祖元韻

雲邊耆寺迴雪裏聽螺遙忽爾到香界居然息法寮禪
枝無處住梵唄靜中飄欲覓

堯年句煙蘿隱翠椒

題雨花堂

祝

釐恒此奉

慈闈不日成之難重違

去歲冬月降旨西巡撫臣鄂弼與地方吏即葺築行宮數宇以

備 慈寧燕息因事已成且省馭載 冬令特奇三月

故許之 茲來駐蹕爰名其堂曰兩花 五臺寂寒地九月即冰去歲三冬 暄暖異常工作不悞皆以為奇 今來還見六花飛

三度來此 皆遇雪 繫予寧可逸為務 零彼都標靜者機 羃嶺節

林誰弗著欲因師利悟依稀

喜晴

春來頻有喜晴詩 益喜春膏渥可知 盡斂霏雰和旭朗

千巒畫景座前披

戲題寶塔院

相傳藏佛舍
利及文殊髮

聲求色見總邪談安得文殊髮弄龕試看眉毛翠巖在
春來依舊綠鬢髮

顯通寺即事

有血精藍靈鷲前大孚猶憶永平年域中佛法最初地
院外春光二月天回祿似觀成壞相維新仍列象龍筵
閑黎薰施二皆去聲教先施不戒當勤種福田寺僧不戒於火以致回祿
命以寺資重修葺之其不足者猶為補助不費民
力也而僧人以費已資未免不滿所望故戲及之

羅睺寺

菴羅園據卮平巔雪後春光靜處妍一任安名還立字
文殊不二祇如然

跋馬至黛螺頂

螺頂不為高積雪路頗滑策我雲錦騅

馬名

遂至金輪刹

獅王坐堂堂黛髻足底齧莫作顛倒會十六本二八

賜山西巡撫鄂弼

旬宣此初任嘉爾副予望出政宜除細移風在獎良公
為衆官表儉是晉民長保障休輕視家聲勗繼芳

祇林

祇林無數名山占或煥莊嚴或廢墮若論化身千百億
聲求色見總虛為

壽寧寺

崖路入松青給園峯作屏金人無量壽都以祝

慈寧

玉華池

乳竇泠泠巖半淙古松千尺佈陰濃前朝六出來何自

可識天池是所從

羅漢坪

昔聞臺山蹟五百應真過其來夫何自其去又向那至
今傳此坪花宮據巖阿中坐人天師應真圍駢羅範鐵
各寫形神通不同科偏乃缺其一未至工傳訛不禁啞
然笑其然豈然呵峯樹及澗花孰非應真麼

文殊寺靜舍少憩

祇苑驚峯頂攀登片刻延真容佛光仰

相傳寺成時文殊現相因名真

容斗室

御題懸

寺側靜舍
祖賜額曰斗室

皇到處惟欽

聖無心更問禪
辟詩一再讀
俯仰緬流年

梵唄

人言梵唄原無解
會解翻嫌費譯思

梵語自天竺譯為
烏斯藏語即今唐

古忒也其地多喇嘛而蒙古等輩重之以有資設教故
亦習其語天竺語則不甚解然不出烏斯藏所譯也

剝盡蕉芽心莫得尋窮
鹿角夢方知全提可識
由來半

三點還他祇是

音伊出
梵典

咨汝衣黃偏袒輩
文殊成所

作奚為

真容院再題

調御威光赫畫工驚以退至今旃檀像曰就水中繪出

梵

典而何彼曷殊全體現無晦安生肖真容見優聞如愜
恒此住驚峯法雨三千漑誰能悟同異欲與論觸背

閱武

巡狩奚先務惠民及詰戎文恬戒逸豫武閱簡驍雄

非操

陣簡旗兵及綠營
精者閱之而已

況此大梁野依然有禮風等差行賞

遍雖小必論功

曉山

曉山嵐氣凝旭影上峻嶒玉潤裴叔則水清溫子昇雪
消溪水漲風定野煙澄觸目皆仙趣不孤紫府稱

甘露泉

一滴之露通蒼天一滴之水通黃泉徹上徹下本如是
何獨稱甘此滌然文殊問不二維摩默無語棲巖枕谷
剎若林安名立字乃爾許涓涓流作功德池五百應真

曾浴斯間誰是能誰是所泠泠澄照付不知

寄題北臺疊舊作北臺眺望恭依

皇祖元韻

叶斗肯曾到峯巔構梵宮擘雲天以外得路石之中省

役脩除罷

北臺地高峻修治稍艱昨歲即飭有司不令預備以恤民力

寄題機象融

司空廿四品可似遠春蓬

高山遊目足豈必重

去聲

攀躋昨雪猶然積春雲况復低

事關恤民力韻賡載

堯題不二

文殊法奚容擬議齊

直隸總督方觀承奏報保定等府得雨詩以誌慰
連日春陰雪山中氣已寒幸本不種麥澤潤資耕田却
繼畿輔地此心弗能寬披章乃大慰一犁均被旃其或
寸雪積晴旭融以暄來牟芄向榮黍稷播種全去歲已
大佳今春實勝焉稠疊受

天寵若驚勉惕乾

棲賢寺

尚有幽佳處乘閒一歷之居然皆佛土棲者曰賢誰學
固不同道境真可樂飢縉衣如詠什於此得無疑

鎮海寺即目

前朝冒雪未登臨今日春和試重尋不必升堂還入室
鐘聲早覺空去聲塵心

一溪流水平洄落幾棧迴蹊曲折躋除却雲棲上天竺
世間何處更堪齊

向來省寺原如畫此際分明畫裏人欲問陌頭凝望者
果真誰是主和賓

清涼石

清涼山裏清涼石恰似東坡鑿井泉白足僧人龔檀施
去聲鞠躬扛動表誠虔

明月池

花宮隱翠微雲衢入深邃春禽唱梵聲石泉洗塵意西
嶺跋馬返於馬可小憇明月在池無山僧難擬議

降旨免山西前歲民欠詩以誌事

省方所宸重觀民及施惠茲來祝

慈壽實切敷恩意正賦免十三是蓋常行例更厯未經
處却幸豐昨歲朔上稽前年頗有被災地舊欠帑及粟
盡予豁除暨其緩征正項十免三並逮申命守土臣旬
宣俾普被

迴鑾過白雲寺

雪中斯過晴斯返山色溪聲愜重

去聲

尋却是白雲占勝

義無心亦不曰無心

遊千佛洞得古體四十韻

古洞西峪巔向未尋禪約不可更虛擲試一觀其竅初
從白雲寺右轉循蹊嶠谷口尚潤豁巖罅漸兀冪盤盤
歷羊腸如與峯雲拘陰崖氷滑刺陽巘泥濘淖駕駘怯
鶩鴨駿驥騰鷹鷂蹢躅起復跌振迅立還踣直前乃逾
險顧旁每致矯馬亦視所御志定則弗搖咫尺有如茲
何況彼荒徼諸將成功迴扈蹕同歡笑蔥嶺雪途中嘉

爾丹誠效勞者我勿忘怠者我令飭肯因戢武時竟懈
詰戎要我乘錦雲雕穩於輕步轎身先有名言相如謾
致誚鐘聲聞已近奇峯盃環抱叶乃知神明境不許人
輕造路轉忽得門矮屋低妨帽大似雲棲寺弗詡莊嚴
闌拾級升其階三間峙古廟屏息瞻月相調御丈夫貌
稍西得牝洞哈呀深窈窕昆盧坐堂堂蓮座千佛繞一
穴剛容人中有燈光耀云須秉虔誠入可聞天樂叶或
入迷故步懺悔始出害一笑有是哉陷穽豈佛教精舍

在洞南憑軒暢遠眺下視向來路蠶叢如蜀道叶非經
爾許勞安得攬衆妙窓中含畫意眼底皆詩料插空刺
峻稜摩天聳羣峭野芳優曇緋山鳥命叫蒼松張蓋
影碧泉奏琴調應接雖無暇而都歸靜照清涼設孤注
觀止於虞韶叶歸鞭不半時峪口倏已到進難退斯易
常情即理奧

臺麓寺

雪中宿去雪晴旋益喜山容翠且妍小憶前遭期後度

易殊無語祇如然

湧泉寺

雪裏昨過未暇登言旋逕到禮金繩文殊相好本無垢

安得靈泉盥掌曾

見誌書

中北臺間志所傳今何臺麓更東邊

離五臺四十餘里

從來紀

述多訛外我祇屏營叩法蓮

門外泠泠一水環禪房小座對青山徘徊未負前巡約

得許新詩適可還

過長城嶺

山嶺迴清蹕晉燕接壤間由來在一室奚用設重關地
吏自迎送材官喜往還雪消無凍滑澗水落潺湲

清明

野店亦清明紛紛雨纔去晴新煙迷遠驛潤土出深耕
山色較前添溪聲帶漲鳴杏花最知節一樹路旁榮

御製詩三集卷十一